

# BOGAD

OPISYAL A PABLAAK TI REBOLUSYONARYO A TIGNAYAN TI KALINGA

TAWEN 4 ; BILANG 3 HULYO-SETYEMBRE 2018 IPASA NO MABASA

## EDITORIAL

### Tumipon iti Dangadang! Iyabante ti Gubat ti Umili laban iti Umir-irteng a Pasismo ti Rehimeng US-Duterte!

**K**umarkaro a kumarkaro ti naipisukan a kasasaad ti pagilian iti Kagdama. Agtultuloy nga umad-adu ti bilang dagiti kaso ti Extra Judicial Killings ken panaglabsing iti karbengan kas tao, umir-irteng ti militarisasyon kadagiti komunidad partikular kadagiti lugar dagiti Nailyan a Minorya, ngumat-ngato ti bilang ti awan ti trabaho bayat nga awan sarday ti panagngato ti presyo dagiti magatgatang ken serbisyo. Iti bangir na, itultuloy met a bulsek ken tuleng ti gobyerno iti pudno a kasasaad ti umili a Pilipino ken ipilpilit na nga ipatungpal dagiti programa ken patakarana a karkaro pay a mabekkel ken mangpatay ti masa nga anak-ling-et. Agtultuloy met laeng nga awan sardeng ti panagpulisitika, fake news, syawar laban kadagiti ibilbilang a kalaban ti rehimen nga US-Duterte.

Setyembre 20, maysa ng aldaw sakbay ti pananglagip ti umili a Pilipino iti Martial Law idi panawen ti US Marcos, indeklara ti International People's Tribunal (IPT) a nakabasol -- GUILTY! ni Duterte kadagiti panang-abuso kadagiti karbengan tao a mapaspasamak iti intero a pagilian. Daytoy met laeng ket inbaga mismo ti diktatura a Duterte a basol na dagiti EJK iti pagilian. Saan na met laeng kasapulan nga ibaga daytoy ta nalawag iti umili iti awan sarday a panagpatay ket aramid mismo ti rehimen ni Duterte gapu met laeng kadagiti pablaak nga agtultuloy daytoy iti intero a pagilian. Napaay ti War on Drugs ni Duterte iti panangpugsat iti problema iti droga, imbes pinakaro na ti kasasaad ti umili a Pilipino.

Karo pay a pina-irteng ti rehimen nga US-Duterte ti pasismo

ken terorismo na daytoy kadagiti umili. Mapapa-irteng ti militarisasyon kadagiti komunidad dagiti Nailyan a Minorya tapno mailukat ti panaggamrud dagiti daddakkel a kumpanya dagiti kapitalista ken dagiti agpupuonan iti probinsya. Iti bangir ti panaglapan ti umili agtultuloy nga iluklukat ti gobyerno kadagiti kapitalista dagiti linteg tapno maipatungpal dagiti daddakkel a proyekto ti enerhiya ken minas a sigurado a mangpatay iti masa a Kalinga. Iti walo a munisipyo ti probinsya, pito kadagitoy ti adda ti madama nga aplikasyon para iti minas ken renewable energy. Isunga saan a kaskasdaaw kadagiti munisipyo ket nakaro ti militarisasyon a mabuya iti nasurok lumabes 30 a kampo militar malaksid kadagiti (Ituloy iti p.2 ...)



### Sumkad Tako Losan!

**A**gtultuloy ti panangitandudu ken panang-aywan iti umili ti Kalinga ti balligi ti pannakidangadagiti appong da ti panagsalaknib ti Daga, Biag, Rekurso ken Kinabaknang.

Naballigi manen a binigbig ti National Commission on Indigenous People wenno NCIP -CAR ti keddaw iti umili ti Kalinga ti Chico River line kasilpo ti bogus nga Free Prior and Informed Consent wenno FPIC nga insayangkat ti San Lorenzo Builders and Development Group a kompanya ni Oscar Violago. Kas resulta ti FBI wenno Field Based Investigation ti NCIP kadagiti direkta nga apektado ti proyekto, adda ti panaglabsing ti Karayan Hydroelectric Power Plant wenno KHPP kas ti panangpasuksuk kadagiti naallilaw nga elders a (Ituloy iti p.2 ...)

( ... manipud iti p.1) agkamkampo kadagiti balbalay ken pampubliko a pasdek, napa-irteng iti panag-rekrut iti CAFGU ken tuloy-tuloy nga operasyon-saywar ken kombat laban iti umili kagiddan dagitoy ti madama a nakaro a panagpaspas ti pananggato ti presyo dagiti magatgatang iti linnakuan bayat awan met ti istable a trabaho a mabirokan ken nababa ti minimum wages. Dumanon iti 6.4% idi August ti inflation rate wenna kinapaspas ti panangipangato ti dagiti magatang iti pagilian. Kangatuan na daytoy iti uneg ti sangapulo a tawen ken maudi a napadas idi panawen ti rehimen nga US-Arroyo. Iti laeng maudi a walo a bulan ket dimmakel iti 7.1% ti utang ti Pilipinas iti ruar ti pagilian. Imbes a risuten daytoy ket kayat ti rehimen a Duterte nga ipatungpal ti serye ti Tax reform packages, umuna iti daytoy ti TRAIN law nga isu ti gapu ti pananggato ti presyo dagiti gagatangen.

Awan patingga a padpadasen ti rehimen nga US Duterte ti patingga ti kinaanus ti umili a Pilipino ken uray ti internasyunal a komunidad kadagiti krimen na daytoy kontra iti sangkalubongan, panangkarit, panagpangta ken saan nga umanntop a panagsasao na. Iti daytoy laeng a panawen ket kinarit na pay ti sangalubungan nga umikkat ti Pilipinas kas kameng ti International Criminal Court (ICC), gapu iti panggep na daytoy nga imbestigaran ti pananglabsing ni Duterte na iti karbengan tao ken extra-judicial killings a mapasasamak iti pagilian.

Awan sabali a namnamaen ti umili iti rehimen nga US-Duterte nu di ti nakarkaro a krisis ti gimong tayo. Awan sabali a rumbeng nga aramididen ti umili nu di agbaringkuas ken patakyaasen ti diktadura Duterte. Rumbeng a sungbatan na ken dagiti buyot na ti amin a krimen ken pananglugis-lugis na iti umili a Pilipino. Saan tayo palubusan a maulit ti naulpit a batas militar ti panawen a US-Marcos ken ti martial law iti Mindanao iti panawen ni Duterte. Rebbengen ti tunggal maysa kadatayo nga aywanan ti kinalinteg ti paksaritaan ken saan tayo a rumbeng a palubusan a masukatan kadagiti ulbod. Tatta ken kaanoman ket rumbeng tayo a tumakder ken makidangadang para iti amin a benneg a pudno a demokrasya ken wayawayaya.

( ... manipud p.1)saan met nga agnanaed ti lugar, isu a kinansela ti NCIP-CAR ti FPIC a naiyaamid.

Ti hydroelectric power a maipatakder ti Locog Tabuk, applagan na iti ancestral domain ti Naneng ken Locog

tribe, barangays Bagumbayan, Amlao, Suyang ken Tomiangan Dupag Tabuk. Maapektaran iti upstreams, Tanglag ken Mabongtot ti Lubuagan, ken ti downstreams ket barangays ti Tabuk inggana munisipyo ti Pinukpuk a dalanen ti Chico river.

Dagitoy tribu a maapektaran ket nagkaykaysa, nagtitinulong a nagtignay tapnu irehistro ti napigsa a panagsupyat ti daytoy a proyekto kadagiti masekanaan a kumpanya ken kadagiti nadumaduma nga ahensya ti gobyerno. Saan a baro kanyada ti nadumaduma a pamuspusan ti gamrud a kumpanya, saan da a naawis kadagiti karkari a pagsayaatan, numan pay adda dagiti sumagmamano a nasilaw ti kwarta, kaaduan latta ket natibker ti oposisyon. "Saan mi ipalubos ti anyaman a klase ti dam ditoy ayan mi ta parehas dagita a mangpu-nas iti ili ken maawanan kami ti kabiagan. Panagkaykaysa laeng ti tulbek tapnu masakniban tayo ti nainsigidan a daga wenna ancestral domain tayo, kas ti panakidangadang tayo ti diktadura a Marcos tapno napasardeng ti dadakkel a dam ti chico river a priority project idi 1970's ken 1980's" istorya ti maysa a biktima ti Martial Law iti tribu a Naneng.

Iti uneg ti Build, Build, Build Program ti administrasyon ni Duterte, inutang nan ti Pilipinas ti China ti 3.2 bilyon pesos a mabayadan ti 20 a tawen. Inpakontrata nan ti Chico River Pump Irrigation ti kumpanya a China CAMC. Double a pagganansyaan ti China daytoy ta irigasyon ken elektrisidad daytoy a PID. Pribatisasyon ti irigasyon

<p>Ti BOTAD ket ti opisyal a pablaak ti rebolusyonaryo a tignayan ti Kalinga a pakadamagan ti umili ti pudno a mapasasamak iti probinsya, rehiyon ken iti nasyunal. Rumuar daytoy tunggal tallo a bulan iti tarabay ti Partido Komunista ti Pilipinas.</p> <p>Para iti dillaw, singasing, ken kontribusyon ket mabalina nga ipadanon yo iti:</p> <p><a href="https://www.facebook.com/lccnpakalinga">fb.com/lccnpakalinga</a></p> <p><a href="mailto:mabtdaktakolosan@gmail.com">mabtdaktakolosan@gmail.com</a></p> <p>Ti kaipapanan ti sao a BOTAD ket PANNAKIGUBAT iti Iloko, FETAD iti Mountain Province ken PAKIKIDIGMA no iti Tagalog. Nadumaduma a sao ngem maymaysa ti kaipapanan, LUMABAN babaen iti ARMADO A PANNAKIDANGADANG!</p>	<h2>Nilaoon</h2>	
	<b>Editorial:</b> Tumipon iti Dangadang! Iyabante ti Gubat ti Umili laban iti Umir-irteng a Pasismo ti Rehimenng US -Duterte!	1
	Sumkad tako losan!	1
	Jeepney Phaseout kinundenar iti umun-una nga transport strike iti probinsya	3
	Tuloy ti laban dagiti biktima ti Martial Law	4
	BT MAIS ... sardeng!	5
	<b>Kasano?:</b> Agpapigsa ken idauloan ti reobolusyon a Pilipino! Agpakailang iti IPO a trabaho ti Partido!	6
	Naranggas nga Operasyon ti Militar, Agtultuloy!	7
<b>Damdamag Hukbo:</b> Umay ni Ompong!	7	
<b>Kultura</b>	8	

daytoy gapu ta agbayad ni mannalon met laeng ti panagusar ti danum imbes nga serbisyo ti irigasyon kadagti mannalon.

Nakapauneg ti programa ni Duterte ti naan-anay a panang-agaw ti ancestral domain ti Kalinga iti umili. Ti napalabas a bulan, inpablaak ni APC ti kina signipikante iti nailian nga ekonemya ti geothermal ti Kalinga iti nasurok a 26,000 ektarya iti kadagaan ti Pasil, Tinglayan ken Lubuagan. Laksid pay ditoy, marikna ti umili ti epekto ti National Greening Program wenno NGP nga malimitaran ti aktibidad dan ti sigud nga ancestral land da iti amin a munisipyo. Awan pay ti nawaswas nga aplikasyon ti large scale mining nga agrurutap iti entiro


probinsya. Pinagtalinaed na dagiti panag kampo dagiti military iti uneg ti ancestral domain ken komunidad nga mang ep-ep kadagiti panagtignay dagiti umili a manglapped kadagitoy a proyekto.

Dagitoy a programa ti gobyerno ti mangsindi ken mangpagil-ayab ti palaban a pannakinakem iti umili tapnu pabaraen manen ti pananglapped ti umili kadagitoy a mapangdadael a negosyo.

Sumkad Kalinga, Takderan ti Ili, Salakniban ti Daga, Biag ken Kinabaknang!

Armado a rebolusyon laeng ti solusyon, Sumkad tako losan, tuloy ti laban!

### Jeepney Phaseout kinundenar iti umun-una nga transport strike iti probinsya



“Dakami a babassit a jeepney operators ken drivers, agraman dagiti maapektaran nga umili ditoy Kalinga ket saanmi a palubosan ti kayat ken panggep ti administrasion ni Duterte nga imodernisa wenno sukatan dagiti pampubliko a transportasion. Kontrakami iti modernisasion gapu ta dakami ti kangrunaan a maapektaran. Patayenda ti pangkabiaganmi a babassit nga operators ken drivers,” daytoy ti kuna ti Kalinga Federation of Jeepney Operators and Drivers Association (KaFeJODA iti maysa nga pablaak tapno kundinaren ti Department Order No. 217-011 or the Omnibus Franchising Guidelines wenno Jeepney Modernization Program ti rehimen nga US-Duterte.

Nasurok 40 jeepneys, 150 nga drivers, operators ken commuters ti nakipaset iti umun-una nga transport strike iti uneg ti Kalinga idi Hulyo 9, 2018 sadiay Tabuk City tapno ipadanon kadagiti maseknan nga ahensya ti gobyerno ti panagkundenar da iti nasao nga programa ti gobyerno a mangpatay iti pangkabiagan dagiti babassit nga drivers ken operators iti probinsya.

Iti uneg ti programa a jeepney modernization act ket kasapulan a masukatan dagiti madama a modelo ti jeepneys kadagiti makuna nga e-jeepneys, euro 4 a makina ken solar-powered a

luga. Dagitoy a modelo ti jeep ket nangina (aggatad ti P800,000 inggana P1.6 milyon) ken saan nga umannatop iti kadagaan ken kasasaad ti kalsada iti probinsya. Gapu iti daytoy a kasasaad ket dagiti korporasyon ken babaknang laeng ti makabael nga gumatang isunga agbalin a monopolisado ti serbisyo ti pampubliko a transportasyon. Nu kastoy ti agbalin a kasasaad ket adu a drivers ken operators ti maawanan ti pangkabiagan ken manamnama a ngumato met laeng ti singir iti plete it probinsya.

## Tuloy ti laban dagiti biktima ti Martial Law

Nasurok tallo a pulo a tawen ti napalabas manipud napatakyas ni diktador Ferdinand Marcos iti poder babaen iti pigsa ti tiganayan ti umili ken armado a pannakidangadang iti pasismo nga inyablat ti rehimen US-Marcos babaen iti Proclamation 1081 wenna Martial Law.

Uray natayen ni Marcos mal-apyudal ken malakolonyal latta ti sistema ti gimong a Pilipino, agtultuloy latta ti panaglabsing iti karbengan-tao ken saan a panangbigbig kadadgiti amin a biktima ti martial law babaen iti saan a sapasap a panagted ti hustisya, kompensasyon ken agtaltalinaed latta iti turay dagiti kakabagyan ken kakumplot ni Marcos tapno ipapilit a baliwan ken sukatan ti pakasaritaan iti pudno a napasamak iti panawen ti diktadura a US-Marcos.

Idi May 12, 2018 nagrugi ti panangted ti kompensasyon kadagiti 11,103 a biktima ti martial law ti rehimen a US-Marcos manipud iti nalimed a Swiss Bank Deposit ni Marcos nga aggatad ti P10 bilyon. Daytoy a bilang ket 14% laeng ti 75,749 a nagsubmitar ti *claims* iti Human Rights Victims' Claims Board. Ti gatad a maala ti tunggal *claimants* ket naka-basar ti kinakaro ti ranggas ken abuso a napasamak keniyada

Narigat la ngaruden ti proseso ti aplikasyon, kasapulan pay laeng a baklayen dagiti biktima ken kakabagyan da ti panangted ti ebidensya tapno map-aneknekan nga isuda ket naranggasan ken naabuso ket iti maudi na bassit a porsyento pay laeng ti naaprubaran a maikkan ti kompensasyon. Kaspagarigan, iti tallo a baryo iti maysa a munisipyo ti Kalinga, nasurok sangapulo laeng ti nakaawat ti kompensasyon nu man pay iti kinapudno na ket intero a munisipyo ti naranggasan, napabutngan ken naibalod nga awanan nagbasolan.

Kinaagpayso na, uray ania man a

gatad ti ited nga danyos ti gobyerno ken pamilya Marcos gapu iti dangran nga inaramid da iti umili a Pilipino iti panawen ti Martial Law, saan mabayadan daytoy ti amin a biag, arapaap ken masakbayan a dinadael ti terorismo ti estado. Ti napateg iti panagited ti kompensasyon ket mabigbig nga adda krimen nga inaramid ti diktadura a Marcos nga isu ti makagapu iti panagbayad ti danyos. Isunga napateg nga uray iti kastoy a pamuspusan ket sapasap a maikkan ti amin a biktima nga saan pay laeng kasapulan a parigatan da babaen iti ultra-burukratiko a pamuspusan ti gobyerno Ngem, nu man pay kasta ket masapul nga mabigbig dagiti biktima ken kakabagyan da babaen iti pudno nga hustisya nu sadinno ket madusa dagiti krimen kontra-umili ti pamilya Marcos ken amin nga nausar kas instrumento ti ranggas ti estado idi panawen ti batas-militar.

Isunga nu man pay adda ti kompensasyon a maited awan ti sabali a rumbeng nga aramiden ti umili nu di ituloy ti laban babaen iti amin a pamuspusan tapno magun-od ti pudno a hustisya. Kas iti isursuro iti kapadasan, kasapulan nga agarmas ken tumipon iti armdao a pannakidangadang ti umili tapno masingir dagiti mananggundaway, depensaan ti biag ken itandudo ti karbengan.



70,000 TI  
NAIBALUD



34,000 TI  
NATORTYUR



3,240 TI  
NATAY



11,103 WENNO 14% LAENG ITI  
75,749 A BIKTIMA TI NAIKAN TI  
KOMPENSASYON

## BT MAIS ... sardeng!

Sumaknapen iti Kalinga ti panagmula ti Genetically Modified (GM) a klase ti mais, yellow corn, white corn, ken ti nalatak a BT corn. Nagrugi idi 2002 ti panagmula ti yellow corn babaen ti demonstration farms wenna panagtesting ti Pioneer Seed Company ken ti Department of Agriculture idia Calacadd, Tabuk. Us-usaren dagiti mangilako ti bin-i ti panangalillaw a bassit a gasto ken dakdakkal kano nga inkam iti panagmula kadagitoy a klase ti mais imbes kadagiti nainsigudan a mula. Manipud 2011 aginggana 2015 ket napasas a nagbalin a maikadua a kadakkalan nga agparpartuat ti mais ti Kalinga iti intero a rehion ti Kordilyera segun iti datos ti Philippine Statistics Authority, Kalinga idi 2016.

Ti GM a mais key maysa a produkto wenna imbensyon ti Imperyalismo tapno nalaka ken napasas a mapespesan ti naata a materyales dagiti pagilian nga atrasado ti ekonomya kas iti Pilipinas. Isigsigurado dagiti kapitalista ti super-ganansya da babaen iti panagkontrol ti bin-i wenna bin-i a sagpaminsan laeng a maimula tapno maiduma kadagiti nainsigudan a mula nga mabalin maimula manen. Pada idi

2006 nga inawawis ti Municipal Agriculture Office ti Tabuk City ti panagmula ti De Calb, maysa a klase ti GM a mais a produkto ti Monsanto babaen ti napondoan a bin-i, pesticide ken herbicide. Idi 2009, Monsanto met laeng ti nakaakup ti kangatuan a ganansya manipud iti innem a dominante a korporasyon ti agrokemikal. Sumagmamano pay kadagiti da-


ken dadumma pay a ramit pangmula ket maiyutang gapu ta kaaduan met ket saan a kabaelan a makaaddaan ti nadurdur-as ken napapartak a makina. Karkaro a mailumlom ti mannalon iti utang kagiddan ti agtultuloy a pananggato ti presyo dagiti magatgatang.

Ti kapadasan idia Cudal, ti apit ti uppat a bulan iti maysa nga ektarya ket nailako iti P80,300. Ti kabatog na met a gasto ket dumanon iti P49,355 mairaman ti gasto ti bin-i, pesticide, herbicide, panag-usar kadagiti makina kas iti tracktor ken thresher, ken tangdan] ken makan dagiti agtrabaho. Nayon pay a mabayadan ti interes ti naiyutang a P8,090 kas umununa a puonan iti panagmula. Iti kabuklan, ti nagbalin nga neto laengen ket P22,855.00 wenna P 5,713.75 kada bulan.

Kasta met laeng ti kapadasan idia Pinepek, Pinukpuk. Iti inkam ti 3/4 nga ektarya a P36,098.50 ket umas-asideg met ti nagasto a P21,270, ibatbati ti maudi a neto a P14,828.50. Dakdakkal latta ti gasegastuan ti mannalon nu ikumpara iti benepisyo na.

Saan a maka-mannalon dagitoy a GM a mais. Iti basbassit a maala ti mannalon ket la unay nga adayu a kurang tapno nasayaat ti panagbiag da. Segun iti panagsukisok ti Ibon foundation, ti pamilya nga addaan ti lima a

### CASE STUDY ITI PANAGMULA TI YELLOW CORN (GMO) SADIAY CUDAL, TABUK CITY



**NAGLAKUAN  
P80,300**

**KABUKLAN A GASTO  
P49,355**

**INTERES TI UTANG  
P8,090**

**NABATI A NETO  
P22,855**

**WENNO  
P5,713.75  
KADA BULAN**

ti mais ket Nestle, Universal Robina ken San Miguel Corp.

Iti panagmula kadagitoy a klase ti mais, agbannog ti mannalon para iti bassit a benepisyo bayat a dakdakkal met ti gasto na. Bakbaklayan ti mannalon ti gasto ti bin-i, nag-adu ken nangingina a pesticide, herbicide, ken abono. Uray ti panag-usar ti tracktor, thresher,

myembro ket mangsapul ti saan a bumaba iti P1,102 kada aldaw tapno masungbatan ti pangkasapulan kas iti makan, edukasyon, serbisyo pansalun-at, ken dadumma pay. Mailaksid pay kadagiti madi nga epekto ti panagmula kadagitoy a klase ti mais kas ti peggad dagiti pesticide ken herbicide iti salun-at, pannakaperdi ti daga ken aglawlaw, ken maapapektaran ti pagbiagan da.

Ti panangipasaknap ti panagmula ti GM a mais ket pakabayaan ti panagtengngel ti Imperyalismo ti agrikultura ti Pilipinas. Ti pigsa ken rekursu dagiti marigrigat a mannalon ti agparpartuat ti produkto uray a ti ganansya ket para laengen kadagiti dadakkel a kumpanya ken gangannaet. Rangtay ti Imperyalista ti reaksyonaryo a gobyerno tapno lallalo pay a makontrol ti kinabaknang ti Pilipinas bayat a makibinbingay met laeng ti agturturay. Aglalo pay a sagsagraben dagiti Nailian a Minorya ti Kordilyera ti mala-kolonyal ken mala-pyudal a panangidadanes.

Umirirteng ti kinakasapulan nga iyabante ti demokratiko a gubat ti umili tapno marisut ti kumarkaro a kinarigat. Ti agraryo a rebolusyon ti makasungbat iti bukod a panggeddeng iti daga dagiti nailian a minorya. Idadauloan ti Partido Komunista ti Pilipinas- MLM kadua ti Cordillera People's Democratic Front, ti rebolusyonaryo nga alyansa dagiti demokratiko a dasig ken sektor ti nailian a minorya ti Kordilyera; ti rebolusyonaryo a gobyerno ti umili, ken ti kangrunaan nga armas ti umili, ti New People's Army, a mangsalaknib ken mangiyabante ti interes ti nalawa nga umili babaen iti armado a pannakidangadang kas kangrunaan a solusyon ti naruay a masa tapno magun-od ti pudno a wayawaya, talna, ken kappia --- a mangipatungpal ti programa ti agraryo a rebolusyon. Awan ti sabali a pagturonan ti agtultuloy a pananggundaway nu diket ti gumilgilayab a panawagan para agrebolusyon!

## KASANO?

AGPAPIGSA KEN IDAULOAN TI REOBOLUSYON A PILIPINO!

### AGPAKAILANG ITI IPO A TRABAHO!

Iti nasurok 50 a tawen, narimat ti pakaistoryaan ti Partido Komunista ti Pilipinas (PKP) a nangidaulo ken nagserbi kas abante a destakamento ti rebolusyon a Pilipino. Ti maysa a komunista a Partido ket naarmasan ti nabaknang a praktika ken kapadasan iti pannakidangadang dagiti proletaryado tapno rukaten ti naraniag a masakbayan nga addaan talged, kappia ken pudno a panagdur-as segun iti pakinakem nga internasyunalista, nainkalintegang nga hustisya ken manangwaya-way.

Atiddog pay ti dalan a daliasaten, adu pay ti rigat ken sakripisyo, dara ken ling-et tapno ipagballigi ti naindaklan a panggep. Adu nga ups and downs, twists and turns, pagkapuyan ken kamali, negatibo a kapadasan ti kasapulan a sangoen ken pagwadan ti naimbalitokan nga adal - kasapulan nga agpursige ken nairut a petpetan dagiti rebolusyonaryo a tarabay ken prinsipyo - naindaklan a karit kadagiti kadre ken kameng ti Partido a papigsaen, idur-as jen ingato ti pang-ideyolohiya, pampulitika ken pang-organisasyon (IPO) a trabaho. Kasano?

Lagumen ti kapadasan ken ipasaknap dagiti adal kas tarabay iti sumaruno a panag-

tignay, idur-as dagiti rebolusyonaryo a trabaho.

Ilinteg dagiti kamali ken rimbanan dagiti pagkapuyan. Agkonsolida iti intar ken ingato dagiti tukad a nadanon iti nadumaduma a tay-ak ti trabaho - ipakat amin a kabaelan ken agbalin a managparnuay iti pamuspusan.

Papigsaen ti kolektibo a panangidaulo ti Partido. Isabiag dagiti basaran a prinsipyo. Pairutan ti silpo iti masa ken nainsigudan a takder, pannirigan iti rebolusyon - palawaen ti rebolusyonaryo a bileg ken impluwensiya - RIINGEN, ORGANISAEN ken PATIGNAYEN ti kalawaan a basaran a masa ken amin a demokratiko a dasig ken sektor.



GUBAT TI UMILI, IPAGBALLIGI!  
AGRIMBAW, AGADAL KEN AGPURSIGE!  
AGBIAG TI NAILIAN DEMOKRATIKO A REBOLUSYON TI UMILI!

## Naranggas nga Operasyon ti Militar, Agtultuloy!

Saan a mapugsat ti operasyon ti militar tukadagiti barbaryo, kabakiran, katalalunan a nagresulta iti agtultuloy a panaglabsing iti karengan ti umili. Buteng, taktak iti trabaho, panagdadael ken panagtakaw kadagiti sanikua ti umili.

Saan a makaanges ken mabekbekel ti umili iti Balbalan ken Pinukup gapu iti awan-langan nga operasyon dagiti militar. Dakkel ken babassit a bilang ti us-usaren ti militar laksid pay kadagiti agyan kadagiti balbalay iti tengnga dagiti komunidad. Awan ti sabali nga ar-aramiden da nu ti mangbutbuteng, mangsipsiput iti aniaman nga aktibidad ti umili. Pilit a panag-CAFGU, agawis nga agbalin nga BIN ken ipasurrender dagiti masa.

July 27 inggana August 5 nga operasyon ti militar iti Tanudan, Lubuagan ken Upper Tabuk: adu a masa ti napabutngan ken mulmula a dinadael da uray ti iway iti kabakiran ket inala da ti ubod "pait" na. Nirugitan ken dinadael da ti puon ti gripo ti maysa a komunidad. Salsaludsuden da dagiti masa aglalo dagiti masuspetsa da nga NPA nga inyulat dagiti intel/asset da kadagiti baryo.

September 20 inggana 27 dakkel met nga operasyon ti inplano ti NOLCOM ti nairamanan ti Kalinga partikular dagiti munisipyo ti Pasil ken Lubuagan, nu sadinno nga nag-usar da ti dua a kompanya ti 50IB ken dua a platun ti Scout Ranger. Adu nga umili ti nataktak imbes nga ti epekto ti bagyo ti sangsangoen ti umili ket nalapdan da gapu iti kastoy nga operasyon. Nataktak dagiti mapan iti katalalunan, kaum-umaan a mangkita kadagiti taraken da a nuang, nagtakaw pay dagiti pangkusin nga naibati ti masa kadagiti pakalso pati payen ti lako a bagas ken ti mapan kadagiti biktima ti kalamidad ket napan da pay inembestiga.

Dagitoy nga operasyon ket konkondenaren ti umili ken rebolusyonaryo a pwersa. Dagitoy a narungsot nga operasyon ket buya ti rumungrungsot a sistema ken ti agdama a rehimen a US-Duterte.

## DAMDAMAG HUKBO Umay ni Ompong, Komand ti CO!

A sembol kakadua, umay ni Ompong. Sangkadamag, sangkatalyaw ti kakadua.

Sinno nga Ompong? Maggapuana?

Ni Ompong ket nagan ti bagyo, maapektaran ken signal no. 4 ti probinsya tayo

Isunga agsana; umuna, isimpa dagiti kubkubo tapno saan a maitayab, beriton dagiti galut, kabilan ti

kayo, amin a makan ket simpaen, agsakdo ti danum. Nayunan ti iluto ken alerto latta. Maikadua, imonitor tayo ti epekto daytoy a bagyo kadagiti barbaryo ken palagipan amin a rebolusyonaryo a pwersa tapno agsagana, ag-rescue ken tumulong kadagiti maapektaran. Nalawag kadi kakadua? Wen, Nalawag! Lumansag.

Kada maysa ket nagpokus nga agsimpa ti kubkubo, nadumaduma a pamuspusan. "Agasem man Ka Wakud, nagadu ti kayo ken nabaked unay ti galut nga inusar mo", angaw ni Ka Ulit. "Wen ah, uray signal no. 5 ket natalged tayo latta."

Idi umumay ti napigsa nga angin ken tudo, amin a kakadua ket adda kadagiti kubkubo ken gapu iti kinasagana ket awan met ti naitayab ti kubo na. Adda latta ti naluto a makan ken mainum a danum. Kalpasan ti bagyo ket adu nga istorya ken adal ti naadaw iti kinausto ti kinasagana iti aniaman a panawen.



Saan kayo a lipatan, dakayo ti inspirasyon ti nabaked ken agtultuloy a panagserbi iti umili ken ti naibatayo a rebbengen para iti amin-a-benneg a panag-abante ti rebolusyonaryo a tignayan. Agtultuloy nga ipukkaw ken ilaban ti hustisya para kada kayo ken amin a martir kas met iti intero nga umili aglalo dagiti anak-ling-et. Agbiag kayo. Mailadawan iti kanta ti nadayaw a pananglagip mi kada kayo amin. Dagitoy a kanta ket naisurat ti maysa a kadwa sakbay ti umuna nga anibersaryo ti Lacub martir ken inayun tayo ita iti isyu ti BOTAD kas pananglagip tayo kadagitoy a martir para iti maika-uppat nga anibersaryo da.

## *sangit ko para kadagiti martir ti lacub*

1. Kakadwa, Kakadwa,  
Nabigla ken saan a ninamnama  
Naladingit ti pasamak yo kakadwa  
Nasakit ken nadagsen ti rikna  
Agsangit ken agalubos ti lua
2. Gapu't labsing dagiti mersenaryo  
Naka-am-ames ti naaramid kada kayo  
Sobra a panagparigat ti sinagrap yo  
Iti awan kapada a panag-abuso
3. Kakadwa, nakalablabes la unay  
Ti ipupusay yo ket nakalidliday  
Aganges a nauneg ken agsinnaay  
Agkanta ti pangbanuar a dondong-ay
4. Ti panawen a kadanggay mi dakayo  
Pagwadan kayo a sumango kadagiti trabaho  
Nangisaknap iti teorya a proletaryo  
Nangiyabante iti praktika ken kinahusto
5. Ti rebolusyonaryo a pwera ken kapamilya  
Gagayyem ken ti intero a masa  
Ay-ayaten mi dakayo inggana kaanuman  
Saan kayo a lipatan, dakami a napanawan
6. Dagiti ad-adal ken rebbengen a nabati yo  
Petpetan ken tarabay mi a mangitandudo  
Ti gumilgil-ayab a silaw ket nakangato  
Mangted lawag iti panagsakripisyo
7. Dakayo a banuar, inspirasyon ti umili  
Iti nasi-it a dalan a sursuroten mi  
Aapatibker, pursegido, saan a maupay  
Iti naunday a daliasaten, di a tumamnay
8. Laglagipen kayo kada panag-addang  
Iti panag-adal, panag-abante ti dangadang  
Ipamulat, ipaarakup iti nalawa a masa  
Ti sumaruno a henerasyon, isuda ti namnama
9. Kakadwa, dagiti sursuro yo, inkami pagyamanan  
Rimbawan mi met dagiti kakapuyan  
A mangbaliw bulok sistema kagimongan  
A manggaw-at iti naranyag a masakbayan
10. Ti naimbalitokan a pakaistoryaan  
Kanayun ken pudno a saganan  
Dagiti pasamak iti narangkis a pagnaan  
Agbalin a bin-i iti masakbayan
11. Agpakada kami kakadwa, idaton mi ti adu a kankanta  
Ti naindasigan a dangadang, ipukkaw kayo latta  
Iti napigsa a guruod ken ti nalabbaga a daya  
A manggun-od iti pudno a demokrasya,  
wayawaya ken hustisya.